

271

Na temelju članka 18. stavak (3) Zakona o športu Tuzlanskog kantona – prečišćeni tekst („Službene novine Tuzlanskog kantona“, broj: 11/21), Ministarstvo za kulturu, šport i mlade Tuzlanskog kantona donosi

**PRAVILNIK
O SADRŽAJU I NAČINU VOĐENJA REGISTRA
FIZIČKIH OSOBA U OBLASTI ŠPORTA NA
PODRUČJU TUZLANSKOG KANTONA**

I. OPĆE ODREDBE

**Članak 1.
(Predmet)**

Pravilnikom o sadržaju i načinu vođenja registra fizičkih osoba u oblasti športa na području Tuzlanskog kantona (u daljem tekstu: Pravilnik) propisuje se oblik, sadržaj i način vođenja, čuvanja i upisivanja podataka u Registar fizičkih osoba u oblasti športa na području Tuzlanskog kantona (u daljem tekstu: Registar), postupak upisa, upisa promjena i postupak brisanja iz Registra, vođenje i čuvanje zbirke isprava, oblik i sadržaj obrazaca uz Registar, kao i druga pitanja od značaja za upis i način vođenja Registra.

**Članak 2.
(Definicija i značaj Registra)**

(1) Registar predstavlja službenu evidenciju o fizičkim osobama u oblasti športa na području Tuzlanskog kantona koje se bave športskim aktivnostima, obavljaju stručne poslove u oblasti športa i športskim radnicima u smislu Zakona o športu - prečišćeni tekst („Službene novine Tuzlanskog kantona“, broj: 11/21), (u daljem tekstu: Zakon).

(2) U Registar se upisuju športisti, stručne osobe osposobljene za rad u športu i športski radnici sa područja Tuzlanskog kantona koji su sukladno Zakonu definirani kao fizičke osobe u oblasti športa (u daljem tekstu: subjekt upisa).

**Članak 3.
(Javnost Registra)**

(1) Registar je javan i vodi ga Ministarstvo za kulturu, šport i mlade Tuzlanskog kantona (u daljem tekstu: Ministarstvo).

(2) Svaka zainteresirana osoba ima pravo uvida u podatke subjekta upisa sadržane u Registru uz prisustvo osobe zadužene za vođenje Registra, osim uvida u osobne podatke subjekta upisa.

(3) O podacima iz Registra Ministarstvo izdaje izvod iz Registra.

II. NAČIN VOĐENJA, OBLIK I SADRŽAJ REGISTRA

**Članak 4.
(Način vođenja Registra)**

(1) Registar se vodi u fizičkom i elektroničkom obliku.

(2) Pod Registrom vođenim u fizičkom obliku podrazumijeva se upis fizičkih osoba u oblasti športa u tvrdo ukoričenu knjigu od trajnog materijala formata 350mm x 250mm (format A-3).

(3) Pod Registrom vođenim u elektroničkom obliku podrazumijeva se upis fizičkih osoba u oblasti športa u elektronički vođenu tabelu kao jedinstvenu bazu podataka o fizičkim osobama u oblasti športa na području Tuzlanskog kantona.

**Članak 5.
(Oblik Registra)**

(1) Na prednjoj korici knjige Registra iz članka 4. stavak (2) ovog Pravilnika, na sredini se nalazi jedan ispod drugog ispisan tekst: „Bosna i Hercegovina“, „Federacija Bosne i Hercegovine“,

„Tuzlanski kanton“, „Ministarstvo za kulturu, šport i mlade“ i „Registar fizičkih osoba u oblasti športa“

(2) Na prvoj unutarnjoj strani Registra nalazi se jedan ispod drugog ispisan tekst: „Bosna i Hercegovina“, „Federacija Bosne i Hercegovine“, „Tuzlanski kanton“, „Ministarstvo za kulturu, šport i mlade“, „Registar fizičkih osoba u oblasti športa“, „Knjiga ___“, „Ova knjiga sadrži ukupno ___stranica“ i označeni prostor za pečat i potpis ovlaštene osobe.

(3) Na poledini prve unutarnje strane Registra nalazi se uputa za popunjavanje Registra.

(4) Stranice Registra, osim korica i prve unutarnje strane Registra, označene su rednim brojevima, podijeljene su na rubrike za upisivanje podataka i činjenica navedenih u članku 6. ovog Pravilnika, te naslovljene kao „Registarska stranica“.

(5) Izgled korice, prve unutarnje strane Registra i Registarske stranice propisan je kao Prilog broj 1 ovog Pravilnika i čini njegov sastavni dio.

**Članak 6.
(Sadržaj Registra)**

(1) U Registar se unose podaci o svakom subjektu upisa iz članka 2. stavak (2) ovog Pravilnika, i to putem popunjavanja rubrika registarske stranice koja sadrži sljedeće podatke:

- a) redni broj,
- b) registarski broj i datum upisa,
- c) prezime, ime oca i subjekta upisa,
- d) datum, mjesto i država rođenja subjekta upisa,
- e) mjesto prebivališta subjekta upisa,
- f) za športistu - vrsta športa, odnosno grane športa kojom se subjekt upisa bavi,
- g) kategorizacija športiste na temelju Pravilnika o kategorizaciji športista na razini Bosne i Hercegovine („Službeni glasnik Bosne i Hercegovine“, broj: 52/16),
- h) za stručnu osobu osposobljenu za rad u športu - broj i datum diplome i naziv institucije koja je izdala diplomu,
- i) broj i datum licence za rad u oblasti športa ukoliko subjekt upisa istu posjeduje i naziv institucije koja je licencu izdala,
- j) za športske radnike - naziv i broj akta nadležnog granskog športskog saveza Bosne i Hercegovine o ispunjavanju uvjeta za obavljanje poslova športskog radnika sukladno Zakonu,
- k) promjene upisanih podataka,
- l) podaci o brisanju iz Registra,
- m) napomena.

(2) Prije početka unosa podataka Registar se ovjerava tako što se na prvoj unutarnjoj strani Registra stavlja otisak pečata Ministarstva i potpis ovlaštene osobe, uz naznaku datuma ovjere.

**Članak 7.
(Registarski broj i Šiframik)**

(1) Registarski broj subjekta upisa je broj koji se svakoj fizičkoj osobi u oblasti športa kao subjektu upisa dodjeljuje pri upisu u Registar.

(2) Jednom dodijeljen broj subjektu upisa, neće se mijenjati, niti će nakon brisanja subjekta upisa iz Registra biti dodijeljen nekom drugom subjektu upisa.

(3) Jednom subjektu upisa se može dodijeliti samo jedan registarski broj.

(4) Registarski broj subjekta upisa sastoji se od jedinstvenog klasifikacionog znaka Ministarstva i broja koji se određuje šiframikom za: športistu ili stručnu osobu osposobljenu za rad u športu ili športskog radnika, za vrstu športske grane kojom se subjekt upisa bavi, te rednog broja pod kojim se upisuje u Registar.

(5) Redni broj određuje Ministarstvo po redoslijedu upisa u registarski list, počev od 0.1.

(6) Šiframik iz stavka (4) ovog članka je dokument koji se nalazi u prilogu ovog Pravilnika i čini njegov sastavni dio, a označen je kao Prilog broj 2.